



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Quis sit verus cultus, quo potissimè vult à nobis coli.

urn:nbn:de:hbz:466:1-29452

2 CATECH. C. CLING.

uos velit. Sic dicit Apostolus Roman. i. quod semper
terna virtus atque diuinitas, & inuisibilia Dei con-
spiciuntur per ea quae facta sunt. Is ergo, qui dixit, Fiat
cœlum & terra, & omnia quæ in eis sunt, Deus est no-
ster, Gen. 1. Atq; opus ipsum cœlū & terra, & omnes
creatüræ, faciunt ipsum cognosci & apprehendi,
quod solus hic verus Deus est. Sic Genes. 6. Delebo,
inquit, hominem. Hoc verbum secutum fuit opus
diluuij, & illi cognitus est ut Deus. Sic Genes. 18.
Descendam & videbo, vtrum clamorem qui venit ad
me, &c. Postea sequebatur opus incendij. sic Abra-
ham Gen. 24. inquit: Deus qui dixit mihi, dabo tibi
terram hanc, &c. Et postea fuit data filijs suis, &c.
agnouerunt Deum, sic in promissione prolis Rom. 4.
Sic per totam scripturam agnouerunt Deum Patres
verbo & opere, & vult etiam agnoscere. Sic dicit Da-
uid Psal. 144. Confiteantur tibi Domine omnia ope-
ra tua.

2. Honor siue cultus, quo præcipue vult Deus coli,
sunt Fides, Spes, Dilectio, Timor perfectus. Iste sunt
veri atque primi cultus interiores, Exod. 20: Ego
sum Dominus Deus tuus, &c. signanter dicit, Deus
Zelotes, eyferer / id est, qui non patitur alteri tribui
gloriam Dei. Nō patitur alios Deos configi aut in-
uocari, ideo debemus illi soli credere ex toto corde
& confidere, & ex eius spiritu veram doctrinam pro-
ponentibus veritatem. Nam verax est & fidelis,
seruans promissa, quæcunq; loquitur & promittit.
Deus enim verax est, Ioan. 3. Rom. 3. Omnis autem ho-
mo mendax, quia Deus natura verax est, ideo super
omnia debemus illi confidere, & ex toto corde, ut ni-
hil sit in modo cui sic confidamus, & in quo spem no-
stram collocemus, sicut in Deo. Ideo inquit David
Psal. 45. Deus noster refugium & virtus. Et Hiere. 17.
Maledictus qui spem suam ponit in homine. Vult er-
go Deus coli summa & perfecta fide atq; fiducia, dein
dè per-

Psal. 115.

dè perfecta dilectione, Deuter. 6. Diliges Dominum Deum tuum ex toto corde tuo, & ex tota anima, & ex tota mente, & omnibus viribus, id est, nihil bet esse in toto mundo inter omnes creatureas, inter vxorem & filios, aurum & argentum, quod prefferas aut plus diligas quam D E V M. Ipse Deus diligendus est super omnia, eò quod omne bonum venit ab illo; & tamen nos non meremur bonum aliquod ex solis viribus liberi arbitrij, nisi misericordia & gratia & fauore fulciatur. Prima autem iustificatio fit gratis sine omni merito. Ioan. 3. Sic Deus dilexit mundum, ut filium suum unigenitum daret. Quare ut Mundus saluetur per ipsum. Hoc opus & donum maximi Dei, omne excludens meritum, causa esse debet, ut Deum diligamus toto corde, quod propter Christum efficiunt iusti & saluamur, si contrito corde in illum crediderimus. Nisi Christus fuisset datus nobis, nemo saluaretur. Pensare ergo hoc homo debet, & Deum diligere. Ista dilectio cultus Dei verus atque internus est.

Insuper vult Deus colli timore, id est, ut timeatur super omnia plus quam mors, gladius, infernus. Nam, ipse punit malos. Deut. 6. Dominum Deum tuum timebis, & illi soli seruies. Sic haec tria notantur Exo. 20. Ego sum Dominus Deus tuus, qui te a deo creas, adores, inuoces, qui facio misericordiam in milie qui me diligunt, & visito iniquitates patrum in filios in tertiam & quartam generationem. Hic cultus Dei internus & spiritualis, potissimum est: hunc a nobis exigit, illo placatur. Hic est iustitia coram Deo, in illo consistit iustitia Spiritus. Hic est regnum Dei, quo corda nostra reguntur & trahuntur a Deo. Hunc ubique commendat scriptura. Ioan. 4. Deus spiritus est, & spiritu (id est, motibus illis internis, fidei, timore, & dilectione) colitur & adoratur. Ad hos quatuor motus, scilicet fidei, spei, timoris & dilectionis, cæteri fru-

4 CATECH. C. CLING.

teri fructus Spiritus Sancti Galat. 5. referuntur, Pax, gaudium, misericordia, charitas, humilitas, patiētia, castitas mentis, & id genus alia, iustitia, timor à peccato, omnia illa nascuntur & pendent à predictis motibus, qui sunt iustitia corā Deo. Sine illis exterior cultus parūm proderit, sed simulatio potius est, & in illū finem dicitur, quia traditiones humanę nō sunt corā Deo iustitia, sed fides, timor, dilectio, &c.

3. Venit autem nobis vera fides atq; dilectio, & timor cordis, cū per terrefacti agnitione peccatorū nostrorum, audimus per Euangelium nobis donari remissionem peccatorum propter filiū Dei Iesum Christum, qui pro nobis factus est victimā, Esa 53. Hac cō solatione eriguntur mentes, & incipiunt credere & confidere Deo, quod sit nobis propitius. Agnoscent eius misericordiam, & statuunt nos respici, nos exaudiiri, ideo incipiunt eum diligere, agnoscent Christi beneficium, & verè incipiunt timere Deum, ne sint ingratiani, & offendant tam pium patrem & redemptorem. Sic enim peruenitur ad veros illos cordis motus erga Deum, scilicet fidei, timoris & dilectionis. Non enim possunt corda humana Deo credere, non sentiunt se exaudiiri, non diligunt Deum, nisi prius intelligent Deum esse placatum per Christū, qui factus est ^{Ex nobis} victimā, propter quā accipimus gratiam & misericordiam: ideo hoc certissimē credunt, & incipiunt Deū timere & diligere. Et Spiritus Sanctus datur per fidem, qui suos fructus perficit in nobis, Gal. 5. vt verè credamus, diligamus & timeamus Deum. Natura enim nostra non potest ex se ipso formare veram fidem, dilectionem & timorem.

Deinde, postquam filii facti sumus fidei, Ioann. 1. & postquam agnouimus Christum, tunc ex dilectione incipiimus facere legem & bona opera: Non enim potest recte fieri lex aut opus bonū, nisi agnito Christo.